

大陽王孫貞吉以其先君手植竹林成而忽瘁至靡
有子遺凡閱六十有幾甲子乃茲載茂初之歲篁如
故明年筍益若干箇又明年又益若干箇嘻亦異矣
竹故有亭君子爲頌之曰竹在爰徵其孝太末山氏
童某聞而爲之作頌頌曰盤石隆隆元氣濛濛嘉林
鬱葱藩翰斯崇於穆先王自天之潢爰有戈疆執德
穰穰表茲琅玕萬寶珊珊日影檀欒高節霜寒前朝
隕石琳瑯偏似秋草十尺雲歸不識此君効靈爲祥
爲禎造物是徵昭以汗青玉葉垂垂錦籜差池何以
似之百世本支旣萎復生廿載重榮象緯䟽行照耀
天經維亭窈窕秀揭林表西江試較乃覺滕小址方
千齡

銘

書厨銘

爾中以盈我中則虛以我之不足貯爾之有餘

曲几銘

既爾而寐曲則匪肱古人在前嗒然而興

鏡銘

貌之衰惟爾則知內德之不修安事外爲